

الجواب التاسع / مسعد

٦ صفـــــر من عام ١٤٠٣هـ

الأحد الموافق ٢١ نوفمبر لعام ١٩٨٢ م

إلى حبيبتى

الساكنه جنب بيتنا

واللى ساكنه

في صميم القلب

والفكر النديم

ثم أما بعد،،،

أبداء كلامي النوبه بسلامي

لخدودكِ ؛ ولعيونكِ ؛ وإبتسامتِكِ

وأبعت طيور السما تطمئني عليكي

وتقول سلامتِكِ

قالتلي فُتته إن انتي عيانه

وقالتلي كنتي في حاله هزلانه ضعفانه

وان الشتا لأعب ألعيبه وغلبيك

ألفين سلامه عليكي

بقي جو مصر الحلو

يا نبيله تعبك

تقلي لبسك علشان تدي

والبرد يروح

لو أقولك كلمه تعبانه

في جواب فُتنه قلقتني إزاي

لو أقولك هستي جوابك وجواب فُتنه

أطمئن فيه إنك روقتي

بفروغ الصبر وأنين الناي

تهتمي بروحك وتراعي يمكن أكثر بكتير جداً

وزياده شويه عن اللازم

وأبقى أما تروقي زوري بيتنا

وكأن فُتته وحشاكي
وأحكلي أحوال البيت بالحرف
وقوليلي لو في شيء ناقص
ليكون مبعوتي مش كافي
أنا عايز فُتته تتعلم تعليمها لآخره
ومش عايز أحس أني سافرت
والبيت بقيت ناقصاه حاجه ؛ أو حاله أتلّف
أنا عايز أحسسهم أني في البيت
ومازالوا ماسكين في رقبتي
وشابطين في أكتافي
من بلاد الواه
من بلاد الثلج والفضون والموضه
من أراضي الله
وسلام ختام

